

ՍՊԵՆԴԻԱՐՅԱՆԸ ԵՎ ՌՈՒՍԱԿԱՆ ՄՇԱԿՈՒՅԹԸ

ՔԵԱՐԻԿ ԳՐԻԳՈՐՅԱՆ

Հայ դասական կոմպոզիտոր Ալեքսանդր Սպենդիարյանն իր ստեղծագործական ուղու հենց սկզբից սերտ կապերի մեջ է եղել ռուսական առաջադեմ մշակույթի և նրա լավագույն ներկայացուցիչների հետ: Նա եղել է ռուս մեծ կոմպոզիտոր Ռիմսկի-Կորսակովի աշակերտը, որը Սպենդիարյանին բնութագրել է՝ «տաղանդ է, իսկական տաղանդ» խոսքերով: Սպենդիարյանը մտերիմ հարաբերություններ է ունեցել նաև Մ. Գորկու, Ա. Գլազունովի, Ա. Լյադովի, Ա. Օսովսկու, Մ. Իպոլիտով-Իվանովի, Ա. Արենսկու, Ն. Կլենովսկու, Յու. Վե սելովսկու և ռուսական մշակույթի բազմաթիվ այլ ներկայացուցիչների հետ, արժանացել է նրանց բարձր գնահատանքին: «Ա. Սպենդիարովը,—գրում է Ա. Գլազունովը— մոտ ու թանկագին էր որպես մեծատաղանդ, ինքնատիպ կոմպոզիտոր և որպես անբասիր, մեծ և բազմակողմանի տեխնիկա տունեցող երաժիշտ»¹:

Ռուս երաժիշտները ջերմորեն են վերաբերվել Սպենդիարյանի ստեղծագործությանը: «Երեք արմավենի» սիմֆոնիկ պատկերի հեղինակային առաջին կատարման կապակցությամբ (Պետերբուրգ, 1905 թ.) Սպենդիարյանը գրել է իր ինքնակենսագրության մասին: «Այն ոչ միայն հասարակության կողմից ընդունվեց ամենայն համակրանքով, այլև արժանացավ երաժշտական խոշոր հեղինակությունների՝ Ռիմսկի-Կորսակովի, Գլազունովի, Լյադովի մեծ հավանությանը, որոնք այդ օրվանից ինձ ընդունեցին փրենց ընտանիքը»²:

Այդ համերգի ժամանակ է կոմպոզիտոր և խոշորագույն երաժշտագետ Բ. Ասաֆևը ծանոթանում Սպենդիարյանի հետ և նրանից ստանում «նրբագեղ երաժշտի» տպավորություն, որ համայն էր իր համեստությամբ և իր չաղմկող տաղանդով:

Հուլիս է եղել Սպենդիարյանի և Ռիմսկի-Կորսակովի բարեկամությունը: Պահպանված նամակները, հուշերն ու ընծայագրերը բացահայտում են նրանց հարաբերությունների անկեղծ բնույթը, և այն սերն ու հարգանքը, որ տածում էր երկուսսալո Սպենդիարյանն իր ուսուցչի նկատմամբ:

Հայտնի է, որ Սպենդիարյանը վաղ հասակից է հանդես բերել իր ստեղծագործական ունակությունները և արժանացել տարբեր երաժիշտների գովեստներին, սակայն միայն Ռիմսկի-Կորսակովի գնահատանքից հետո է, որ նա վստահել է իր ուժերին: Այդ են ապացուցում նրա ինքնակենսագրության հետևյալ տողերը. «Մինչև իմ հանդիպելը Ռիմսկի-Կորսակովի հետ ես բոլորովին համոզված չէի, չնայած Կլենովսկու և որոշ այլ երաժիշտների գովեստ-

¹ «Ժամանակակիցները Ալ. Սպենդիարյանի մասին», կազմեց՝ Ալ. Թադևոսյան, Երևան, 1960, էջ 10:

² А. А. Спендиаров, Автобиография, «Советская музыка», 1938, № 4, стр. 46.

ներին, թե ես ունեմ արդյոք բավականաչափ տվյալներ, որպեսզի ինձ ամբողջովին նվիրեմ կոմպոզիտորական գործունեությանը և բոլորովին արհամարհեմ իմ համալսարանական իրավաբանական կրթությունը. միակ երաժիշար, որին ես կարող էի վստահել այդ հարցի լուծումը, ինձ ներկայանում էր Խորգեն Կոնյանյանը, որն ամենապարզ կոմպոզիտոր Ռիմսկի-Կորսակովը. նվաճել և սկսեցի երազել նրան իմ ստեղծագործությունները երբեք ցույց տալու հնարավորության և նրանց մասին դրական կարծիք ստանալու դեպքում նրա աշակերտը դառնալու մասին: Իմ երազանքները իրականացան. մեծ հուզմունքով 1896 թ. գարնանը ես ներկայացա Նիկոլայ Անդրեևիչին՝ իմ ստեղծագործությունների փաթեթով, որոնք աչքի անցկացնելով նա կոմպոզիցիայի պարամունքներին լրջորեն նվիրվելու տվյալների առկայություն գտավ իմ մեջ և համաձայնություն հայտնեց դառնալ իմ ուսուցիչը: Մեծ ուրախություն և անասելի բավարարություն ղգացի ես և միայն այդ ժամանակից հավատալի իմ ուսուցիչին:

Ռիմսկի-Կորսակովին Սպենդարյանն աշակերտում է 1896—1900 թթ. Ավարտելով ուսումնառությունը, հայ կոմպոզիտորը իր անդրանիկ ծավալուն ստեղծագործությունը՝ «Կոնցերտային ուվերտյուրան» ձեռնում է սիրելի ուսուցիչին:

Ուսումնառության հետո էլ, վերադառնալով իր ծննդավայրը (Ղրիմ), Սպենդարյանը չի կտրում կապերը Ռիմսկի-Կորսակովի հետ: Երբ ցարական կառավարությունը 1905 թ. դեպքերի կապակցությամբ հեղափոխական ուսանողների հայացքները պաշտպանելու համար Ռիմսկի-Կորսակովին վտարում է Պետերբուրգի կոնսերվատորիայից, Սպենդարյանն իր բողոքի ձայնը հիացնում է ռուս հասարակության առաջադեմ գործիչների ձայնին, պետերբուրգյան «Русь» թերթում գետնից բերելով հետևյալ բաց նամակը. «Թանկագին Նիկոլայ Անդրեևիչ. Ձեր մեջ բարձր գնահատելով աղնվագույն և ուղղամիտ մարդուն, և ակնածորեն խոնարհվելով ռուսական արվեստում Ձեր ունեցած հսկայական նշանակության առջև, իմ անկեղծ համակրանքն եմ արտահայտում Ձեր արդար և ազնիվ բողոքին, որ Դուք հայտնել եք Սպենդարյանին իր իրավունքները Ձեր դրած նամակում: Ես չեմ կարող իմ մեջ խեղդել խորին զայրույթիս զգացումը Ձեզ կոնսերվատորիայից վտարելու առթիվ. ոչ ոք տեղի է տանեցել Ձեր բողոքի հետևանքով և հանդիսանում է ամոթալի փաստ վտարողների համար. անհավատալի և չտեսնված մի փաստ:

Ձեր աշակերտ Ա. Սպենդարյան

Տալթա, 29 մարտի, 1905 թ.³

Նամակից ակնհայտ է Սպենդարյանի նվիրվածությունը Ռիմսկի-Կորսակովին և նրա վերաբերմունքը Պետերբուրգի քաղաքական սենցքերի հետևանքով երաժշտական կյանքում հանդես եկած իրադարձությունների նկատմամբ:

Սպենդարյանը Ռիմսկի-Կորսակովին իրազեկ է պահել իր ստեղծագոր-

³ Նույն տեղում, էջ 45:

⁴ А. А. Спендаров, Письма, Составление, вступительная статья и примечания К. Г. Григорян. Ереван, 1962, стр. 63.

ծական ժրագրերին և միշտ քաջալերվել նրա կողմից: Այսպես, Սպենդիարյանին օպերա գրելու միտքը հրահրել է Ռիմսկի-Կորսակովը: Հայաստանի գրականության և արվեստի թանգարանի Սպենդիարյանի ֆոնդում պահպանվել է Ռիմսկի-Կորսակովի «Ճպուռներ» տրիոն, որի անվանաթերթի վրա, 1903 թ. ապրիլի 23-ին հեղինակը դրել է. «Թանկագին Ալեքսանդր Աֆանասևիչին՝ անմիջապես օպերա ձեռնարկելու ցանկությամբ»⁵:

Սպենդիարյանը խորապես գիտակցել է օպերա գրելու ամբողջ բարդությունը և մեծ պատասխանատվությամբ է մոտեցել այդ հարցին: Նա երկար ու բռնաշունչ աշխատանք է կատարել իր ուժերը փորձելով վրձնել և սիմֆոնիկ ծավալուն ստեղծագործությունների կերտման մեջ: Բացի «Ղրիմի էսքիզներ» սիմֆոնիկ սյուիտից ու «Ձկնորսն ու փերին» բալլադից, 1900-ական թվականներին նա գրում է «Սպասում» արիոդոն, «Օզիմանդիա» երգը օրկեստրի նվագակցությամբ, «Երեք արմավենի» սիմֆոնիկ պատկերը, աշխատում է գրական մի շարք երկերի վրա՝ ցանկանալով դրանք դարձնել օպերային սյուժե: Օպերա ստեղծելու նկատմամբ ունեցած այս ամենալուրջ վերաբերմունքի մասին է ասում Սպենդիարյանի 1905 թ. 6-ը օգոստոսի թվակիր նամակը Ռիմսկի-Կորսակովին. «Մեծագույն նիկոլայ Անդրեևիչ, մեր վերջին հանդիպումների ժամանակ ես բազմիցս ասել եմ Ձեզ, որ շատ կուզեի նախքան օպերա ձեռնարկելը, որևէ պայտալ բան գրել նվագախմբի համար: Իմ ցանկությունը իրականացավ. այս տարի մայիսին ես ավարտեցի «Երեք արմավենի» սիմֆոնիկ պատկերը, ըստ լեռնաշղթայի բանաստեղծության... Նախքան իմ նոր ստեղծագործությունը հասարակական վճռին ներկայացնելը, ես կուզեի այն ցույց տալ Ձեզ և եթե այն Ձեր կողմից հավանություն կստանա, խնդրել Ձեր աջակցությունը, որպեսզի «Երեք արմավենին» ընդունվի եկող սեզոնի ռուսական սիմֆոնիկ համերգներից մեկում կատարվելու համար: Վերադառնալով Պետերբուրգից անմիջապես կսկսեմ օպերա գրել:

Եվ այսպես, մեծագույն նիկոլայ Անդրեևիչ, ներումն հայցելով անհանդուրժողականության համար, խնդրում եմ Ձեզ, հայտնել ինձ, Ձեր՝ Պետերբուրգ վերադառնալու ժամանակը»⁶:

Պատասխանը չուշացավ. «Թանկագին Ալեքսանդր Աֆանասևիչ, «Երեք արմավենին» հորինելու և ավարտելու առթիվ սրտանց ուրախ եմ. հավասարապես ուրախ եմ նաև «Օզիմանդիա» ռոմանսի համար: Ես շատ եմ ուզում դրանց հետ ծանոթանալ: ...Շատ հետաքրքրական կլինի լսել «Երեք արմավենին» և նայել պարտիտուրը: Ուրախ կլինեմ Ձեզ հետ տեսնվելու համար»⁷:

Ռիմսկի-Կորսակովի և Սպենդիարյանի բարեկամությունը շարունակվեց մինչև ռուս կոմպոզիտորի կյանքի վերջը: Ահա Սպենդիարյանի նամակը հասցեագրված Ռիմսկի-Կորսակովի այրուն, 1908 թ. հունիսի 10-ին:

«Խորապես ցնցված եմ իմ թանկագին, շերմորեն սիրված ուսուցիչ նիկոլայ Անդրեևիչի մահվան լուրով: Ես և իմ կինը ամբողջ սրտով ցավակցում ենք Ձեզ և Ձեր երեխաներին հասած մեծ վշտի առթիվ:

Սպենդիարովա»⁸:

⁵ Գրականության և Արվեստի թանգարան (ԳԱԹ), Սպենդիարյանի ֆոնդ, № 2556:

⁶ А. Л. Спендиаров, Письма, стр. 65

⁷ Նույն տեղում, էջ 216—217:

⁸ Նույն տեղում, էջ 72:

Ն. Ռիմսկի-Կորսակովի մահվան առթիվ ապրած իր վիշաք, Սպենդիարյանը կիսում է նաև իր մտերիմ բարեկամ Գ. Մելիքենցովի հետ. «Ռիմսկի-Կորսակովի մահը ինձ վրա չափազանց ազդեց: Որպիսի՞ սարսափելի դատարկություն կղղան այսուհետև ռուս երաժիշտները, նրա բոլոր երկրպագուները, ու հատկապես մենք, նրա աշակերտներս, որ նոր ենք սկսում մեր գործունեությունը: Տանջագին դառնությամբ եմ մտածում, որ այլևս չկա թանկագին Նիկոլայ Անդրեևիչը, որին ես այնքան սովորել էի դիմել խորհուրդով և որի յուրաքանչյուր խրախուսական կարծիքը իմ ստեղծագործությունների մասին, ինձ միշտ մեծ ուրախություն էր պատճառում»⁹:

Ռիմսկի-Կորսակովի մոտ շատերն են սովորել, սակայն նա քչերին է համարել իր աշակերտը. զրանցից էր Սպենդիարյանը: Այդ մասին է ասում Ռիմսկի-Կորսակովի ընծայագիրը իր «Մարգարե» արիողոյի անվանաթերթի վրա. «Թանկագին Ալեքսանդր Աֆանասևիչ Սպենդիարովին՝ իմ սակավաթիվ աշակերտներից մեկին»¹⁰:

Ռիմսկի-Կորսակովի՝ Սպենդիարյանի նկատմամբ ունեցած բարեկամական վերաբերմունքի մասին են վկայում ռուս խոշորագույն կոմպոզիտոր Գլազունովի հետևյալ խոսքերը. «Դու քո մեջ միացնում ես խոշոր տաղանդ ու անբասիր վարպետություն: ...Քեզնով հիանում էին և՛ Ռիմսկի-Կորսակովը և՛ Լյադովը»¹¹:

Սպենդիարյանը անձնական մտերմություն էր հաստատել նաև մի այլ ռուս խոշոր կոմպոզիտորի՝ Ալեքսանդր Գլազունովի հետ: Նրանց բարեկամությունը, որ սկսվել էր 1906 թ. տևում է մինչև Սպենդիարյանի կյանքի վերջը՝ ամբողջ 22 տարի: Գլազունովը, որ հաճախ էր Յալթա գալիս համերգների, իջևանում էր Սպենդիարյանի տանը: Գլազունովի և Սպենդիարյանի բարեկամությունը արտահայտվել է նաև նրանց նամակներում, որոնց մեջ շոշափվում են թե՛ մեկի, թե՛ մյուսի կյանքին ու գործունեությանը վերաբերող բազմաթիվ հարցեր: Սպենդիարյանի նամակներից պարզվում է, թե նա որպիսի նվիրվածություն է ցուցաբերել դեպի Գլազունովը և որքան բարձր է գնահատել նրան որպես կոմպոզիտորի:

Գլազունովի նամակները՝ ուղղված Սպենդիարյանին, բացի վերջինիս նկատմամբ ունեցած ամենաջերմ վերաբերմունքից ցույց են տալիս նաև, թե համերգային, երաժշտական-հասարակական ինչպիսի լարված կյանքով է ապրել խոշորագույն կոմպոզիտորը, և՛, թե նա որքան բարձր է դասել Սպենդիարյանին որպես ստեղծագործող:

Գլազունովի նամակներում, հուշերում կան Սպենդիարյանի ստեղծագործական և անձնական կերպարի շատ ճիշտ ու արժեքավոր քննադատմաներ: Ահա զրանցից մի քանիսը.

«Ալեքսանդր Սպենդիարովը իր մեջ երջանիկ կերպով միացնում էր իր մեծ ուսուցիչ Ռիմսկի-Կորսակովի ավանդները հայ ազգային երաժշտական հանձնարի հետ: Նա հայ և ռուս երաժշտական մշակույթի հոգևոր միասնության կենդանի մարմնացումն էր»¹²:

⁹ Նույն տեղում, էջ 73:

¹⁰ ԳԱԹ, Սպենդիարյանի ֆոնդ, № 2553:

¹¹ А. Л. Спендиаров, Письма, стр. 373.

¹² ԳԱԹ, Սպենդիարյանի ֆոնդ, № 1702:

«Ես Ալեքսանդր Աֆանասևիչ Սպենդիարովին հասարկում եմ մեր ժամանակի ամենականավոր կոմպոզիտորներից մեկը: Ունենալով գեղարվեստական վառ ձիրք և լինելով առաջնակարգ երաժիշտ, Ա. Ա. Սպենդիարովը ժողովրդական երաժշտության՝ Արևելքի երաժշտության բնագավառում ստեղծագործելու հակումն է փ հայտ բերում: Այս ասպարեզում նա անկրկնելի է իր երաժշտության արևալին վառ գույներով և բուրմունքով հնչողությամբ, Ա. Ա. Սպենդիարովի ստեղծագործությունները՝ «Երեք արմավենին» ու «Դրիմի էսքիզները», նրա օպերան և ռոմանսները, փնչպես մեզ մոտ, այնպես էլ արևմուտքում, նրան մեծ փառքի են հասցրել»¹³:

Սպենդիարյանին նվիրված իր հուշերում, որ Գլազունովը գրել է 1929-ին և կրում է «Մեծատաղանդ, ինքնատիպ կոմպոզիտորը» խորագիրը, կարդում ենք. «Ալեքսանդր Աֆանասևիչի երաժշտության մեջ զգացվում է ներշնչման թարմություն, կոլորիտի բուրմունք, մտքի անկեղծություն և նրբագեղություն, մշակման կատարելություն... Որպես մարդ Ալեքսանդր Աֆանասևիչը համընդհանուր սեր է վայելում: Նա մի հմայիչ մարդ էր, լոկալիզմ ազնվությամբ, համեստ ու ծայրաստիճան բարի: ...Ես անկեղծորեն համոզված եմ, որ «Ալմաստ» օպերային, որն ինձ հայտնի է համերգում լսածս հատվածներից և հեղինակի վերարտադրությունից, սպասում է հսկայական հաջողություն. իսկ դա՝ է՛լ ավելի կամրապնդի ժողովրդական մեծ կոմպոզիտորի փառքը»¹⁴:

Դեպի Սպենդիարյանն ունեցած Գլազունովի բարձր վերաբերմունքի մասին են ասում նաև հետևյալ ընծայագրերը.

«Երեք արմավենու», հերոսական երգի և մի շարք հրաշալի երաժշտական ալլ ստեղծագործությունների հեղինակ՝ Ալեքսանդր Աֆանասևիչ Սպենդիարովին: Ամբողջ հոգով նվիրված, նրա ստեղծագործական բարձր շնորհքով հիացած Ալեքսանդր Գլազունով»¹⁵:

«Թանկագին բարեկամիս՝ Ալեքսանդր Աֆանասևիչ Սպենդիարովին ի նշան իմ հիացական խոնարհման նրա երաժշտական բարձր տաղանդի առջև»¹⁶:

Սպենդիարյանը բարեկամական ու ստեղծագործական կապերի մեջ է եղնի նաև Ց. Կյուրի, Ա. Արենսկու, Ա. Լյադովի, Ն. Չերեպնինի հետ: Այդ տեսակետից հետաքրքիր է Արենսկուն ուղղած Սպենդիարյանի 1904 թ. սեպտեմբերի 15-ի նամակը, որը լրացնում է մեր պատկերացումը Մաքսիմ Գորկու երաժշտական ճաշակի մասին և լույս սփռում նրա և Սպենդիարյանի հարաբերությունների վրա. «Հաջորդ շաբաթ, — գրում է Սպենդիարյանը, — ես մտադիր եմ իմ տանը երաժշտական երեկո կազմակերպել, որին պետք է հրավիրեմ նաև Մ. Գորկուն: Նա շատ է ցավում, որ դու Ցալթայում չես. իր ասելով նա քո երաժշտության խոշոր երկրպագուն է»¹⁷:

Մտերիմներ են եղել նաև Սպենդիարյանն ու Լյադովը. վերջինս հատուկ նշել է Սպենդիարյանի՝ արևելքի երաժշտության հարազատ ընկալման ու վերարտադրման փաստը. «Նրա Արևելքը նոր էր, նոր. մինչև այդ չօգտագործված հայրենական ստեղծագործողների կողմից»¹⁸:

¹³ А. Л. Спендиаров, Письма, стр. 374.

¹⁴ «Ժամանակակիցները Ալ. Սպենդիարյանի մասին», էջ 10:

¹⁵ ԳԱԹ, Սպենդիարյանի ֆոնդ, № 2544:

¹⁶ Նույն տեղում, № 2543:

¹⁷ А. Л. Спендиаров, Письма, стр. 259.

¹⁸ «Ժամանակակիցները Ալ. Սպենդիարյանի մասին», էջ 10:



ն. Զերեպինը և Սպենդիարյանը ոչ միայն հաճախակի հանդիպել են, այլև Պավլովսկում 1904 թ. հունիսի 26-ին համերգ են կազմակերպել՝ նվիրված իրենց և վաղամեռիկ կոմպոզիտոր (նույնպես Ռիմսկի-Կորսակովի աշակերտ) Սմանիի ստեղծագործություններին:

Սպենդիարյանը ստեղծագործական ու բարեկամական վապերի մեջ է եղել նաև Կյուրիի հետ, բարձր գնահատելով նրա երաժշտական գործունեությունը: Այդ է ապացուցում Սպենդիարյանի հետևյալ հեռագիրը. «Սրտագին ողջունում եմ Ձեր կեսդարյա պանծալի արդյունավետ երաժշտական գործունեությունը. ի սրտե ցանկանում եմ, որպեսզի Ձեր եռանդը դեռ երկար տարիներ քաջալիրող օրինակ ծառայի մեզ համար»¹⁹:

Որպես դործիրավորման վարպետ, երաժշտական գունեղ պատկերներ ստեղծող, Սպենդիարյանը հայտնի էր իր արվեստակիցների շրջանում, այդ պատճառով էլ Կյուրիի դիմում է նրան խնդրելով՝ գործիքավորել իր «Օրիենտալ» պիեսը և ուղարկում է «Արևելյան լեգենդ» վերնագրով մի բանաստեղծություն, խորհուրդ տալով նրա հիման վրա որևէ երկ գրել:

Մ. Գորկու և Ա. Սպենդիարյանի հանդիպումներից պետք է նշել կոմպոզիտորի տանը կայացած համերգը՝ ի պատիվ Մ. Գորկու: 1904 թ. հոկտեմբերի 3-ին կայացած այդ համերգում այլ ստեղծագործությունների թվում կատարվել է Գորկու խոսքերով գրված «Ձկնորսն ու փերին» բալլադը: Նույն բալլադի առաջին կատարման կապակցությամբ Սպենդիարյանը գրում է. «Մեծարգո Ալեքսեյ Մաքսիմովիչ, ուղարկում եմ Ձեր բանաստեղծության խոսքերով գրած իմ բալլադի պարտիտուրան և դաշնամուրային փոխադրությունը: Այս բալլադը կատարվեց Պետերբուրգում սույն թվի ապրիլի 20-ին նվագախմբի ընկերակցությամբ: Այն երգեց երիտասարդ արտիստ Պորուբինովսկին, որը շատ համակրելի ձայն ունի: Բալլադը նա երգեց բավական արտահայտիչ և հասարակության պահանջով այն կրկնեց: ...Նորից սրտագին շնորհակալությունս եմ հայտնում այն քանի համար, որ գուցե ինձ առիթ տվեցիք գրելու իմ ստեղծագործություններից լավագույնը, որը այդ պատճառով էլ ես ինձ թույլ տվեցի ձեռնել Ձեզ»²⁰:

Ռուսական մշակույթի լավագույն ներկայացուցիչների հետ ունեցած կապերը նպաստում էին կյանքի երևույթների նկատմամբ Սպենդիարյանի առաջադեմ հայացքների զարգացմանը: Մյուս կողմից, Սպենդիարյանի միջոցով ուս երաժիշտները, մտափոխից ծանոթանում էին հայ մշակույթին: Հետաքրքիր է ակադեմիկոս Բորիս Ասաֆևի հիշողություններից հետևյալ տողերը. «Սպենդիարյանը փնձ խոր մտեմություն ներշնչեց այն ժամանակ դեռ ինձ անծանոթ այդ երկրի, նրա լրջմիտ, աշխատասեր ժողովրդի նկատմամբ, որի հնագույն և վեհ պատմությունը երկարատև համբերության և կյանքի տոկունության պատմություն է... Սպենդիարյանը ինձ պատմեց հայկական եկեղեցական հնագույն մեղեդիների, ժողովրդական սիրային և օրորոցային երգերի գեղեցկության, սիրո և գեղեցկությամբ հմայվելու պաշտամունքի մասին... Նա սկսեցի ծանոթանալ հայ ժողովրդական բանաստեղծությանն ու երգերին»:

¹⁹ А. Л. Спендиаров, Письма, стр. 84.

²⁰ Նույն տեղում, էջ 56:



կոմսյոգիտոր Սպենդիարովը և Հայաստանի պոեզիայի մասին Բրյուսովի գիրքը այդ բանում մեծ ազդեցություն ունեցան»²¹,

Ռուս բանաստեղծների ստեղծագործություններով են ոգեշնչված Սպենդիարյանի շատ ստեղծագործություններ. «Ծրեք արմավենի» սիմֆոնիկ պատկերը՝ ըստ Լերմոնտովի, որի մեջ իր արտահայտությունն է ստացել հեղինակների խոր մարդասիրությունը, Մ. Գորկու խոսքերով գրած «Զկնորսն ու փերին» բալլադը՝ ուղղված քաղքենության, «Կույր որդերի» նման ապրող մարդկանց դեմ: Ցարիզմի ժամանակաշրջանի ռուս գյուղացու ծանր վիճակի մի արտահայտություն է «Զհնձած արարը» խմբերգը՝ ըստ Նեկրասովի, ռուսական արվեստն է փառաբանում «Վ. Վ. Ստասովի հիշատակին» կանտատը: Ռուս պոետների բանաստեղծություններով Սպենդիարյանը գրել է նաև բաղմաթիվ լիրիկական ստեղծագործություններ՝ «Աղատ թռչնակ» վոկալ կվարտետը և «Բաթաբական երգը»՝ ըստ Ա. Պուշկինի բանաստեղծությունների, «Մենք կհանգստանանք» մելոդիկամացիան՝ ըստ Ա. Չխովի և վերջապես մշակել է ռուսական հեղափոխական և ժողովրդական երգեր:

Ա. Սպենդիարյանն իր ստեղծագործություններում հասել է այն սկզբունքների հաստատմանը, որոնք առանձնահատուկ են ռուսական դասական երաժշտությանը. դա խոր բովանդակության և գեղարվեստական կատարելության զուգորդումն է կյանքի ճշմարտացի վերարտադրության հետ, որը ճշմարիտ ժողովրդականություն է:

СПЕНДИАРОВ И РУССКАЯ КУЛЬТУРА

КНАРИК ГРИГОРЯН

Резюме

Классика армянской музыки Александра Спендиарова связывали тесные узы с передовой русской культурой и его лучшими представителями. Римский-Корсаков, учитель Спендиарова, охарактеризовал своего ученика словами: «Он талант, подлинный талант».

Армянский композитор был в близких отношениях с М. Горьким, А. Глазуновым, А. Лядовым, А. Оссовским, М. Ипполитовым-Ивановым, А. Аренским, Н. Кленовским, Ю. Веселовским... Все они с уважением и любовью отзывались о нем. «А Спендиаров,— пишет А. Глазунов,— был близок и дорог мне как высокоталантливый самобытный композитор и как музыкант с безупречной, широко разносторонней техникой».

Русские музыканты тепло относились к творчеству Спендиарова. По поводу первого авторского исполнения симфонической картины «Три пальмы» (Петербург, 1905 г.) в автобиографии Спендиарова читаем следующее: «Сочинение это не только было весьма сочувственно принято публикой, но и удостоилось самого лестного одобрения боль-

²¹ «Русские музыкальные деятели об армянской культуре». Рукопись института искусств АН Арм. ССР.

лих музыкальных авторитетов—Р.-Корсакова, Глазунова, Лядова и др.: принявших меня с этого времени в свою семью».

Трогательной была дружба Спендиарова и Римского-Корсакова, о чем свидетельствуют их письма, воспоминания и дарственные надписи. Известно, что многие учились у Римского-Корсакова, но он мало кого считал своим учеником. Одна из дарственных надписей Р.-Корсакова: «Дорогому Александру Афанасьевичу Спендиарову—одному из немногих моих учеников. Преданный Н. Римский-Корсаков.

23 апреля 1903 г.».

О высокой оценке дарования Спендиарова свидетельствует и переписка А. Глазунова. В ней и воспоминаниях русского композитора содержится проникновенные характеристики творческого облика Спендиарова. Приведем одну из них: «Александр Спендиаров счастливо сочетал в себе заветы своего великого учителя Римского-Корсакова с армянским национальным музыкальным гением. Он был живым воплощением армянской и русской духовной культуры».

Из встреч М. Горького и А. Спендиарова отметим одну: концерт данный в честь писателя. В этом концерте в числе других произведений была исполнена вокальная баллада «Рыбак и фея», написанная Спендиаровым на слова Горького.

Спендиаровым написаны много произведений на слова и других русских писателей: симфоническая картина «Три пальмы» (по Лермонтову), хор «Несжатая полоса» (по Некрасову), вокальный квартет «Птичка божия» и «Татарская песня» (по Пушкину), мелодекламация «Мы отдохнем» (по Чехову)... и, наконец, Спендиаров обработал множество русских революционных и народных песен.

Александр Афанасьевич Спендиаров в своем творчестве придерживался принципов, которые особенно характерны для русского классического искусства: сочетания глубокого содержания и художественного совершенства с правдивым отображением жизни. Это подлинная народность.